

PUO YA BOPHATLALATSI BA DITABA MABAPI LE KAHLOLO E TOBILENG YA DILEMO TSE 7 YA MOHLANKA WA SARS

Tshwane 17 Pudukwana 2022 - Ditshebeletso tsa Lekgetho tsa Afrika Borwa di ananetse kahlolo e tobileng ya dilemo tse 7 e filweng e mong wa rona, Mong. Malatse Kolokoto ke Lekgotla la Makgistrata la mane Palm Ridge ka mora ho fumanwa a le molato ka lebaka la bobodu le manyofonyofo. Sena se latela ketsahalo eo ho yona moqosuwa a ileng a thusa moeti ho tswa ka naha ka dithoto ntle le ho di tsebahatsa ka nepo.

Seo mohlanka ona a neng a sa se tsebe ke hore dikhamera tsa CCTV di mo fumane a amohela tjo tjho ho thusa moeti enwa ho balehela motjha ona wa tsebahatso, e leng se leng kgahlano le dipehelo tsa Karolo ya 15 le Molao wa 15 wa Molao wa Bolaodi ba Meedi.

Moeti ona o ile a tshwarwa ke mohlanka wa Bolaodi ba Meedi ka nako eo a neng a se a tla tswa ka hara naha ka sefofane sa matjhaba. O ile a koptjwa ho tsebahatsa dithoto tsa hae kaofela moo ho ileng ha fumanwa diwatjhe tse 6 tsa *Rolex* mokotlaneng wa hae o jarwang ka mokokotlong ntle le foromo efe kapa efe ya tsebahatso. O ile a tshwarwa mme hamoraonyana sena sa lebisa ho tshwarweng ha moqosuwa.

Khomishenara ya SARS Mong. Edward Kieswetter, o thoholeditse botshepehi le sebete sa Mohlanka wa Bolaodi ba Meedi, e seng feela ka phadimeho ya hae empa hape ka ho thusa hore ho tshwarwe Mong. Kolokoto. O boletse hore “ho bapa le makgabane a SARS e botshepehi le ho etsa dintho ntle le tshabo, le ho inkela diqeto, Mohlanka wa Bolaodi ba Meedi o ile a kgona ho qoba ho ekwa ke bonokwane kapa hona ho itjhebisa hosele ha e mong wa bomphatho ba hae a ne a etsa tse kgahlano le makgabane ana. SARS e behilwe maemong a tshepo ho netefatsa hore melao eo re e sebedisang e feela e le melao e sebediswang ka ho phethahala mme mang kapa mang ya sebedisang maemo ana a botshepehi hampe, o lokelwa ke kahlolo e boima haholo”.

Ho fumana lesedi le fetang lena, ka kopo ikopanye le SARS ka SARSMedia@sars.gov.za